




册府元龟

卷之七百七十四  
至七十七



13  
849  
253



門 3  
849  
卷 253



冊府元龜

黃門省

淮南李嗣京參閱

西極文翔鳳訂正

豫章黃國琦較釋

總錄部

二十四

晉荀顛魏太尉或之第六子幼為婦婿陳羣所賞性

至孝總角知名博學洽聞理思周密位至侍中太尉

行太子太傅

荀勗漢司空爽曾孫祖業射聲較尉父盼早亡勗依

荀勗漢司空爽曾孫祖業射聲較尉父盼早亡勗依

冊府元龜

總錄部

卷之三百二十四

丹府元龜 幼敏二 卷之七十一  
於舅氏岐嶷夙年十餘歲能屬文從外祖魏太傅鍾  
繇曰此兒當及其曾祖及長遂博學達於政事後爲  
守中書監侍中卒  
羅憲年十三能屬文早知名師事譙周周門人稱爲  
子貢終於陵江將軍節度領武陵太守  
裴秀魏尚書令潛之子也少好學有風操八歲能屬  
文叔父徽有盛名賓客甚衆秀年十餘歲有詣徽出  
則過秀時人爲之語曰後進領袖有裴秀位至司空  
潘岳少以才穎見稱鄉邑號爲奇童謂終賈之儔後  
官至給事黃門侍郎

王戎年六七歲嘗與羣兒戲於道側見李樹多實等  
輩竟趨之戎獨不往或問其故戎曰樹在道邊而多  
子必苦李也取之信然終於司徒

王衍父又爲平北將軍嘗有公事使行人列上不時  
報衍年十四在京師造樸射羊祐申陳事狀辭甚辯  
祐名德貴重而衍幼年無屈下之色衆咸異之位至  
太尉尚書令

王澄生而警悟雖未能言見人舉動便識其意終於  
軍諮祭酒

盛彥少有異才年八歲詣吳太尉戴昌昌贈詩以觀

之彥於坐答之辭甚慷慨彥仕吳至中書侍郎吳平  
劉頌舉爲小中正卒

陸雲六歲能屬文吳尚書廣陵閔鴻見而奇之曰此  
兒若非龍駒當是鳳雛後舉雲賢良時年十六後官  
至太尉都督前鋒

周光少有父風年十一見王敦敦謂曰貴郡未有將  
誰可用者光曰明公不恥下問竊謂無復見勝敦笑  
以爲寧遠將軍尋陽太守

高崧少好學善史書總角時司空何充稱其明慧充  
爲揚州引崧爲主簿益相欽重

范宣年十歲能誦詩書嘗以刀傷手捧手改容人問  
痛否答曰不足爲痛但受全之體而致毀傷不可處  
耳家人以其年幼而異焉後詔徵太學博士散騎郎  
並不就

王允之總角時從從伯敦敦與錢鳳謀逆而允之時  
飲酒醉帳中卧悉聞其言慮敦疑之便於卧處吐涕  
狼藉敦果疑遣看之見吐唾以爲醉不復疑之允之  
爲衛將軍會稽內史卒

王儉字元衡內史下邳陳邵擅名徐州邵聞儉年十  
四善屬文請作祝文邵請郡客曰此生爲文有可觀

採命爲督郵主簿邵遷給事中儉每爲定表

褚陶弱不好弄少而聰慧清淡閒默以墳典自娛年

十三作鷗鳥水碓二賦見者奇之位至中尉

庾闡好學九歲能屬文後爲著佐吳國內史卒

李矩童齒時與羣兒聚戲便爲其率計畫指授有成  
人之量矩終於安西將軍司州刺史

孔衍少好學年十二能誦詩書位至廣陵太守

賀循會稽山陰人吳中書令邵之子邵爲孫皓所殺

徙家屬邊郡循少嬰家難流放海隅吳平乃還本郡

操尚高厲童齒不羣言行進止必以禮讓國相丁父

請爲五官掾

成公綏幼而聰敏博涉經傳性寡欲不營資產家貧

歲饑嘗如也少有俊才詞賦甚麗後爲中書郎卒

韓康伯母殷氏高明有行家貧窶伯年數歲至大寒

母方爲作襦令伯捉熨斗而謂之曰且著襦尋當作

複禪伯曰不復須母問其故對曰火在斗中而柄尚

熱今旣著襦下亦當煖母甚異之位至丹陽尹吏部

尚書領軍將軍

張憑祖鍾爲蒼梧太守憑年數歲鍾謂其父曰我不

如汝有佳兒憑曰阿翁詐宜以子戲父耶憑後爲吏

部郎御史中丞卒

荀羨清和有準纔年七歲遇蘇峻難隨父在石頭峻甚愛之嘗置膝上羨陰白其母曰得一利刀子足以殺賊母掩其口曰無妄言羨終於右軍將軍  
王珉珣之弟也有外國沙門名提婆妙解法理爲珣兄弟講毗曇經珣時尚幼講未半便云已解卽於別室與沙門法綱等數人自講法綱歎曰大義皆是但小未精耳

謝尚鯤之子八歲神悟夙成鯤嘗携之送客或曰此兒一坐之顏回也尚應聲答曰坐無尼父焉別顏回席賓莫不歎異年十餘歲遭父憂丹陽尹溫疇弔之尚號咷極哀旣而收涕告謝舉止有異嘗童嶠甚奇之

謝安總角神識沉敏夙宇條暢善行書父奕爲剡令有老人犯法奕以醇酒飲之醉猶未已安時年七八歲在奕膝邊諫止奕爲改容遣之安位至太保

謝玄安之兄子少穎悟與從兄郎俱爲安所器安嘗戒約子姪因曰子弟亦何豫人而正欲使其佳諸人莫有言者玄答曰譬如芝蘭玉樹欲使其生於堦庭耳安悅玄終於散騎嘗侍左將軍會稽內史

謝郎安之兄子善言玄理文義豔發名亞於玄總角時病新起體甚羸不堪勞於安前與沙門支遁講論遂至相苦其母王氏再遣信令還安欲留使竟論王氏因出云新婦少遭難一生所寄惟在此兒流涕携郎去郎後位至東陽太守

王獻之年數歲嘗觀門生樗蒲曰南風不競門生日此郎亦管中窺豹特見一斑獻之怒曰遠暫荀奉倩近愧劉真長遂拂衣而去獻之官至建威將軍吳興太守

孫放字齊莊盛之次子幼稱令慧年七八歲在荊州

與父俱從庾亮獵亮謂曰君亦來邪應聲答曰無小無大從公子邁亮又問欲齊何莊邪放曰欲齊莊周亮曰不慕仲尼邪答曰仲尼生而知之非希企所及亮大奇之曰輔嗣弗過也庾翼子爰客嘗候盛見放而問曰安國何在放答曰庾稚恭家爰客大笑曰諸孫大盛有兒如此也放又曰未若諸庾翼翼旣而語人曰我故得重呼奴父也放啓於長沙相戴逵總角以雞卵汁溲白瓦屑作鄭玄碑又爲文而自鐫之詞麗器妙時人莫不驚歎逵武帝時以大學博士給事中累徵不起

王修明秀有美稱善隸書號曰流奕清舉年十二作  
賢全論父濛以示劉惔曰此論便足以參微言修終  
於著作郎

范喬年二歲時祖馨臨終撫喬首曰恨不見汝成人  
因以所用硯與之至五歲祖母以告喬喬便執硯涕  
泣九歲詣學在同輩之中言無媒辭喬後除樂安令  
辭疾不拜

宋謝瞻六歲能屬文為紫石英讚果然果然詩當時

才士莫不歎異後為護南蠻較尉荊州刺史

蔡興宗幼為父廓所重廓與親故書曰小兒四歲神

氣似可不入非類室不與小人遊故以興宗為之名  
興宗年十歲失父哀毀有異凡童父廓罷豫章郡還  
起二宅先成東宅與弟軌廓亡而館宇未立軌罷長  
沙郡還送錢五十萬以補宅直興宗年十歲白母曰  
一家繇來豐儉必共今日宅價不宜受也母悅而從  
焉軌有愧色謂其子談曰我年六十行事不及十歲  
小兒興宗終於光祿大夫  
謝弘徵童幼時精神端審時然後言所繼叔父混名  
知人見而異之謂弘徵父思曰此兒深中夙敏方成  
佳器有子如此足矣年十歲出係從叔峻所係父於



弘徵本總麻親戚中表素不相識率意承接皆合禮  
衷後爲右衛將軍卒

謝莊年七歲能屬文通論語位至金紫光祿大夫

沈林子字敬士少有大度年數歲隨王父在京口王  
恭見而奇之曰此兒王子師之流也與衆人共見遺  
寶咸爭趨之林子直去不顧

徐湛之年數歲與弟淳之共車行牛奔車壞左右人  
馳來赴之湛之先令取弟衆咸歎其幼而有識後終  
於尚書僕射領護軍將軍

沈璞童孺時神意閑審有異於衆太祖問其父林子

曰聞君小兒器質不凡甚欲相識林子令璞進見太  
祖奇璞應對謂林子曰此非嘗兒年十許歲智度便  
有大成之姿

王綯或之子年七歲讀論語至周監於二代外祖何  
尚之戲之曰耶耶乎文哉綯卽答曰草翁之風必偃  
位至祕書丞相卒

王曾綽左光祿大夫曇首之子幼有大成之度弱年  
衆以國器許之好學有理思練悉朝典年十三喪父  
太祖引見下拜便流涕哽咽帝亦悲不自勝襲封豫  
章縣侯尚太祖長女東陽獻公主官至吏部尚書

丹元子 卷之七 七十四  
袁叔少有風氣年數歲伯湛謂家人曰此非凡兒至  
十餘歲爲姑夫王弘所賞不爲章句之學而博涉多  
通好屬文辭采適豔縱橫才辯終於太子左衛率  
王僧達太保弘少子幼聰敏弘爲州時僧達年七歲  
遇有通訟者竊覽其辭謂爲有理及人訟者亦進弘  
意其小留左右僧達爲申理闡誦不失一句文帝聞  
其早慧召見於德陽殿問其書學及家事應對闡敏  
帝甚知之妻以臨川王義慶女位至中書令  
謝靈運晉車騎將軍玄之孫幼便穎悟玄甚異之官  
至臨川內史

謝惠連幼而聰敏年十歲能屬文族兄靈運深相知  
賞後爲彭城王法曹後參軍卒  
何承天五歲失父其母徐氏廣之姊也聰明博學故  
承天幼漸訓義儒史百家莫不該覽位至廷尉  
裴松之年八歲學通論語毛詩博覽墳籍立身簡素  
後爲大中大夫卒  
南齊顧歡年六七歲書甲子有簡三篇歡析計遂知  
六甲家貧父使驅田中畜獸作黃雀賦而歸雀食稻  
過半父怒欲撻之見賦乃止永明元年詔徵爲大學  
博士不就

謝濬年七歲王彧見而異之言於宋孝武召見於稠人廣衆之中濬舉動閑詳應對合旨帝甚悅詔尚公主值景和敗事寢後終於太子詹事

至慈僧虔之子年十歲與蔡興宗子約入寺禮佛遇淨門懺約戲慈日衆僧今可謂虔慈應聲日卿如此何以與蔡氏之宗

劉獻篤志好學博通訓義年五歲聞舅孔氏熙先讀管寧傳欣然欲讀舅更爲說之精意聽受日此可及也嘗爲會稽郡丞後除步兵校尉不拜卒

虞愿祖資給事中監利侯中庭橘樹冬熟子孫竟來取之愿數歲獨不取資及家人皆異之位至廷尉東觀祭酒

褚淵字彥回幼有清譽宋元嘉末魏軍逼瓜步百姓咸負擔而立時淵父湛之爲丹陽尹使其子弟並著芒屨於齋前習行或譏之湛之日安不忘危也彥回時年十餘歲甚有慙色湛之有一牛至所愛無故墮聽事前湛之率左右躬自營救之郡中喧擾彥回下簾不視又有門生盜其衣彥回遇見謂日可密藏之勿使人見此門生慙而去不敢復還淵位至司徒江厥字偉卿祐弟子也厥年十二祐被誅聞報至謂

家人曰伯旣如此無心獨存赴井死

張欣泰少有志節不以武業自居好隸書讀子史年

十餘歲詣吏部尚書褚淵淵問之曰張長弓馬多少

欣泰答曰性怯畏馬無力牽弓淵甚異之官至雍州

刺史

劉懷珍幼隨伯父奉伯至壽陽豫州刺史趙伯符出

獵百姓聚觀懷珍獨避不視奉伯異之曰此兒方興

吾家後位至光祿大夫

梁范雲年八歲遇宋豫州刺史殷琰於塗琰異之要

就席雲風姿應對旁若無人琰令賦詩操筆便就坐

者歎焉

謝朓莊之子幼聰慧莊器之嘗置左右年十歲能屬

文莊遊土山賦詩使朓命篇朓攬筆便就瑯琊王景

文謂莊曰賢子足稱神童復爲後來特達莊笑因撫

朓背曰真吾家千金孝武帝遊姑熟勅莊携朓從駕

詔使爲涸井贊於坐奏之起家撫軍法曹行參軍

樂藹晉尚書令廣之六世孫世居江夏其舅雍州刺

史宗慤嘗陳器物試諸甥姪藹時尚幼而所取唯書

慤錄此奇之又取史傳各一卷授藹等使讀畢言所

記藹畧讀具舉慤益善之終於平越中郎將廣州刺

史

江蒨幼聰慧敏警讀書過目便能諷誦選爲國子生通尚書舉高第起家祕書郎

王泰幼敏悟年數歲時祖母集諸孫姪散棗栗於牀上羣兒競之泰獨不取問其故對曰不取自當得賜繇是中表異之位至吏部尚書

王承字安期七歲通周易選補國子生年十五射策高第位至東陽太守

柳惲少子偃字彥游年十二引見詔問讀何書對曰尚書又曰何爲美句對曰德惟善政政在養民衆咸

異之詔尚長城公主拜駙馬都尉鄱陽內史卒

陸雲公字子龍五歲誦論語毛詩九歲讀漢書畧能記憶從祖僂沛國劉顯質問十事雲公對無所失僂顯歎異之終於中書黃門郎

徐勉幼孤貧早勵清節年六歲時屬霖雨家人祈霽率爾爲文見稱耆宿後位至右光祿大夫侍中衛將軍

陸纘早慧七歲通經爲童子奉車郎

裴邃十歲能屬文善左氏春秋後爲豫州刺史

明山賓七歲能言各理十三博通經傳位至散騎常

侍兼國子祭酒假節攝北兗州事卒

王僧孺幼聰慧年五歲讀孝經問授者此書所載述曰論忠孝二事僧孺曰若爾嘗願讀之有愧其父東李先以一與之僧孺不受曰大人不見不容先嘗六歲能屬文既長好學家貧嘗傭書以養母所寫既畢諷詠亦通七歲能讀千萬言後爲北中郎咨議參軍入直西省知撰譜事卒

任昉幼而聰敏早稱神悟七歲誦詩數十篇八歲能屬文自制月儀辭義甚美褚彥回嘗謂昉父暹曰聞卿有令子百不爲多一不爲少繇是聞聲籍甚年十

二從叔咎有知人之量見而稱其小名曰阿堆吾家千里駒也終於西安太守

張率年十二能屬文嘗日限爲詩一篇稍進作賦頌至年十六向二千許首齊始安王簫遙光爲揚州召迎主簿不就後歷位黃門侍郎出爲新安太守卒

劉顯幼而聰敏六歲能誦呂相絕秦賈誼過秦論瑯琊王思遠吳國張融見而稱賞號曰神童族伯獻儒學有重名卒無嗣齊武帝詔顯爲後時年八歲終於西平府諮議參軍

劉孝綽幼聰敏七歲能屬文舅中書郎王遇深賞異

之嘗與同載識親友號曰神童融每言曰天下文章若無我當歸阿士阿士孝綽小字也時父繪掌詔諾孝綽年未志學繪嘗使代草之父黨沈約在昉范雲等聞其名並命駕先造焉昉尤相賞好范雲年長繪十餘歲其子孝才與孝綽年十四五及雲通孝綽便申伯季乃命孝才拜之孝綽官至祕書監卒

陳慶之子昕七歲能騎射十二隨父入雒於路遇疾還京師詣鴻臚卿朱异訪北間形勢昕聚土畫地指麾分別异甚奇之昕終於雲旗將軍

王筠字元禮幼警悟七歲能屬文年十六爲芍藥賦

甚美官至太子詹事

蕭乾年九歲補國子周易主祭酒袁昂深敬之

張緬字元長父弘策從高祖義師入伐留緬襄陽年始十歲每聞軍有勝負憂喜形於顏色後爲御史丞遷侍中未拜而卒

王觀年十二五經大義並畧能通既長好學有口辯位至左戶尚書

褚玠七歲而孤爲叔父驃騎從事中郎隨所養早有令譽先達多以才器許之終於御史中丞

宗慄少聰敏好學晝夜不倦鄉里號爲童子學士仕

梁官至吏部尚書

褚向年數歲父母相繼亡沒向哀毀若成人者親表

咸異之官至北齊郎廬陵王長史卒

劉霽年九歲能誦左氏傳宗黨咸異之霽官至建康

正

劉褒年七歲能屬文外祖司空表昂愛之謂賓客曰

此兒當成吾宅相褒仕梁官左僕射

劉孺幼聰敏七歲能屬文後位至吏部尚書

劉覽字孝智十六通老易經於左丞

蕭洽幼敏悟年七歲誦楚詞畧能上口官至司徒左

長史卒

蕭修局力貞固威儀嚴整九歲通論語十一能屬文

鴻臚卿裴子野見而賞之初封宜豐侯官至太保

謝舉年十四嘗贈沈約五言詩為約稱賞終尚書令

何遜入歲能賦詩嘗為尚書水部郎卒於仁威廬陵

王記室

謝幾卿幼清辯當世號曰神童官至左光祿長史卒

蕭密字士機幼聰敏博學有文詞

王籍七歲能屬文後為唐侯相卒

傅昭六歲而孤哀毀如成人為外祖所養十歲於朱



雀航賣曆日雍州刺史袁顛見而奇之顛嘗來昭讀書自若神色不改顛歎曰此兒神情不凡必成佳器位至散騎嘗侍金紫光祿大夫

顧協幼孤隨母養於外從祖右光祿大夫張永永嘗携內外孫姪遊武立山協年數歲永撫之曰兒欲何戲協曰兒正欲枕石漱流永歎息曰顧氏興於此子及長好學以精力稱後拜通直散騎侍郎兼中書通事舍人守鴻臚卿卒

劉敞幼有識慧四歲喪父與羣兒同處獨不戲弄六歲誦論語毛詩意所不解便能問難十二讀莊子道

遙篇曰此何解耳客因問之隨問而答皆有情理家人每異之敞終不娶不仕卒於家

伏挺幼敏悟十歲通孝經論語挺後客遊吳興卒

庾子輿幼而岐嶷五歲讀孝經手不釋卷或曰此書文句不多何用自苦答曰孝德之本何謂不多後除

巴陵內史卒

劉昭幼清警七歲通老莊義卒於剡令

庾於陵七歲能言玄理弟肩吾八歲能賦詩特爲於陵所友悌後於陵終於鴻臚卿肩吾位至江州刺史領義陽太守

許懋字昭哲少孤好學爲州里所稱十四入大學受  
毛詩且頌師說覆講座下聽者嘗數十百人官至中  
庶子

到沂幼聰敏五歲時父禱於屏風抄古詩沈請讀一  
遍便能諷誦無所遺失終於北中郎諮議參軍

到鏡漑之子也五歲便口授爲詩婉有辭况位至太  
子舍人卒

丘遲八歲能屬文父靈鞠嘗謂氣骨似我黃門侍郎  
謝起宗徵士何點並見而異之終於司空從事中郎  
陶季直早慧祖愨祖甚愛異之愨祖嘗以四函銀列

置於前令諸孫各取季直時甫四歲獨不取人問其  
故季直曰若有賜當先父伯不應度及諸孫是故不  
取愨祖益奇之季直官至太中大夫

江革幼而聰敏早有才思六歲便解屬文父柔之深  
加賞器曰此兒必與吾門革子從簡少有文情年十  
七作椽荷調以刺何敬容爲當時所賞後爲度支尚  
書謝病還家除光祿大夫卒

劉之遴八歲能屬文十五舉茂才對策沈約任昉見  
而異之位至都官尚書太常卿

陳表憲字德章武帝撰孔子正言章句詔下國學宣

制旨義憲時年十四被召爲國子生博士周弘正謂  
憲父君正曰賢子今茲策試不數日君正遣門下客  
岑文豪與憲候弘正會弘正將登講坐弟子畢集乃  
延憲入室授以麈尾令憲樹義時謝收何晏在座弘  
正謂曰二賢雖窮粵曠得無憚此後生耶何謝於是  
遙起義端深極理致相與往復數番譬對閑敏弘正  
謂安曰恣卿所問勿以童稚相期時學衆滿堂觀者  
重沓而憲神色自若辯論有餘弘正亦起數難終不  
能屈因告文豪曰卿還咨袁吳郡此卽已堪見代爲  
博十矣時生徒對策多行賄賂文豪請具束修君正

曰我豈得用錢爲兒買第耶學司銜之及憲試爭起  
剝難憲隨問抗答剖析如流到漑顧憲曰袁君正其  
有後矣及君正將之吳郡漑祖道於征虜亭謂君正  
曰昨策生蕭孫徐孝克非不解義至於風神氣局去  
賢子遠矣憲歷官至昌州刺史復授晉王長史卒  
姚察幼有至性事親以孝聞六歲誦書萬餘言若不  
好弄博奕雜戲初不經心勤苦精厲以夜繼日十二  
便能屬文十三梁簡文帝時在東宮盛修文義卽引  
於宣猷堂聽講論難爲儒者所稱後爲太子內舍人

卒

陸瓊父雲公梁給事中黃門侍郎掌著作瓊幼聰慧有詞理六歲爲五言詩頗有詞采大同末雲公受梁武帝詔較定碁品到漑朱异以下並集瓊時年八歲於客前覆局繇是京兆號曰神童异言之武帝有勅召見瓊風神警亮進退詳審帝甚異之瓊位至吏部尚書領大著作

顧野王幼學七歲讀五經知大旨九歲能屬文嘗製日賦梁領軍朱异見而奇之年十二隨父之建安撰建安地記二篇後爲黃門侍郎光祿卿卒

陸從典瓊之第三子幼而聰敏年八歲讀沈約集見見迴文硯銘從典援筆擬之便有佳致十三作柳賦其詞甚美瓊時爲東宮管記官寮並一時俊偉瓊示以此賦咸奇其異才從父瑜特所賞愛及瑜將命終家中墳籍皆付從典乃集瑜文爲十卷仍製集序其文甚工後爲南陽縣主簿卒

陸辯惠侍中繕之子年數歲詔引入殿內辯惠應對進止有父風高宗因賜名辯字敬仁

張正見幼好學有才梁簡文在東宮正見年十三獻頌簡文深贊賞之簡文雅尚學業每自昇座說經正見嘗預講筵請決疑義吐納和韻進退詳雅四座咸

屬目焉終於尚書度支郎

岑之敬年五歲讀孝經每燒香正坐親戚咸加歎異十六策春秋左氏制旨孝經義擢爲高第御史奏曰皇朝多士例止明經若顏閔之流乃應高第梁武帝曰何妨我復有顏閔耶因召入面試令之敬昇講座勅中書舍人朱异執孝經唱士章武帝親自論難之敬剖釋縱橫應對如嚮左右莫不嗟服乃除童子奉車卽賞賜優厚後爲侍御史征南府諮議叅軍卒杜之偉幼精敏有逸才七歲受尚書稍習詩禮畧通其學十五遍觀文史禮儀故事時輩伏其早成僕射

徐勉嘗見其文重其有筆力位至太中大夫

徐敬成幼敏慧好讀書少機警善占對結交文義之士以識鑒知名位至安州刺史

馬樞四歲而父母俱喪爲其姑所養六歲能誦孝經論語老子後郡陵王綸引爲學士

虞寄少聰敏年數歲客有造其父者遇寄於門因嘲之曰郎君姓虞必當無智寄應聲答曰文字不辯豈得非愚客大慚入謂其父曰此子非嘗人文學之對不足過也終於太中大夫卒

虞荔幼聰敏有志操年九歲隨從伯闡候大嘗陸倕

問五經凡有十事荔隨問輒應無有遺失僑甚異之  
又嘗詣徵士何治時太守衡陽王亦造焉治言之於  
王王欲見荔荔辭曰未有板刺無容拜謁王以荔有  
高尚之志雅相欽重還郡卽辟爲主簿荔又辭以年  
少不就後爲太子中庶子領大著作卒

韋載梁黃門侍郎正之子少聰慧篤志好學年十一  
叔父稜見沛國劉顯問漢書十事載隨問應答曾無  
疑滯及長博涉書史流敏有器局位至散騎嘗侍太  
子右衛卒

謝貞年七歲母王氏授論語孝經讀訖便誦八歲嘗

爲春日閒居五言詩從舅尚書王筠奇其有佳致謂  
所親曰此兒方可大成至如風定花猶落乃追步謝  
惠連矣繇是名輩知之年十三畧通五經大旨尤善  
左氏傳工章隸蟲篆終於南平王友掌記室事

徐凌八歲能屬文十二通莊老義旣長博涉史籍縱  
橫有口辯凌子份少有父風年九歲爲夢賦凌見之  
謂所親曰吾幼屬文亦不如此後爲左光祿大夫太  
子少傅卒

裴忌少聰敏有識量頗涉史傳爲當時所稱解褐豫  
章王法曹叅軍終於上開府

周弘正幼孤及弟弘讓弘直俱爲叔父捨所養年十歲通老子周易捨每與談論輒異之曰觀汝神情穎悟清理警發後世知名當出吾右十五召補國子生仍於國學講周易諸生博習其義以季春入學孟冬應舉學司以其日淺勿之許焉博士到洽議曰周郎年未弱冠便自講一經雖曰諸生實堪師表無俟策試起梁家大學博士

傅縡幼聰敏七歲誦古詩賦至十餘萬言長好學能屬文後爲祕書監右衛將軍兼中書通事舍人掌詔

詔書曰

蔡徵幼聰敏精識強記年六歲詣吏部尚書河南褚裒裒嗟其穎悟位至給事郎

張譏幼聰俊有思理年十四通孝經論語篤好玄言受學於汝南周弘正每有新意爲先輩推伏終於國子博士東宮學士

陰鏗幼聰慧五歲能誦詩賦日千言後官至晉陵大守員外散騎嘗侍

王元規八歲而孤兄弟三人隨母依舅氏往臨海郡時年十二郡土豪劉瑱者資財巨萬欲妻以女母以其兄弟幼弱欲結強援元規泣請曰因不失其親古

冊府元龜 幼敏二 卷之七十四

人所重豈得苟安異壤輒婚於非類母感其言而止  
終於秦王東閣祭酒

冊府元龜

冊府元龜

淮南李嗣京參閱

西極文翔鳳訂正

豫章黃國琦較釋

總錄部

幼敏第三

後魏賈彞字彥倫父為苻堅鉅鹿太守坐訕謗繫彞  
年十歲詣長安訟父獲申遠近嘆之僉曰此子英俊  
賈誼之後莫之與京後太祖卽位拜尚書左丞加給

事

冊府元龜

總錄部

卷之七十四



崔玄伯少有俊才號曰冀州神童苻融牧冀州虛心禮敬拜陽平公侍郎領冀州從事後位至天部大人進爵爲公

李丞字伯業寶之子也少有奇畧太武時寶欲謀歸款民僚多有異議丞時年十三勸寶速定大計於是遂決仍令丞隨表入質太武深相器異禮遇甚優賜爵始臧侯

陸琇字伯琳猷第五子猷有以爵傳琇之意琇年九歲猷謂之日汝祖東平王有十二子我爲適長承襲家業今已年老屬汝幼冲詎堪爲陸氏宗首乎琇對

曰苟非闔力何患童稚猷奇之遂立琇爲世子

韋纘荊州刺史彌之子年十三補中書學生聰敏明辯爲博士李彪所稱除祕書中散

裴安祖少而聰慧年八九歲就師講詩至鹿鳴篇語諸兄云鹿雖禽獸得食相呼而况人也自此之後未嘗獨食

裴駿字神駒幼而聰慧親表異之稱爲神駒因以爲字位至中書侍郎

胡叟字倫許少聰慧年十三辯疑釋理知名鄉國其意之所悟與成人交論藪有屈焉叟以姚氏將衰遂

入長安觀風化隱匿名行懼人見知時京兆韋祖思少閱典墳多蔑時彥知叟至召而見之祖思習嘗待叟不足聊與溫良叟拂衣而出祖思固留之日當與君論天人之際何遽而反乎叟對日論天人者其亾久矣與君相知何夸言若是也遂不坐而去至主人家賦韋社二族一宿而成時年十有八歲具述前載無違舊美叙中世有協時事而未及鄙瀆人皆奇其才畏其筆世有傳誦之以爲笑狎叟後拜武威將軍賜爵始復男卒

李志字鴻道博學有幹才年十餘歲便能屬文父彪

甚奇之

李安世太尉祥之子幼而聰悟興安二年文成引見侍郎博士之子簡其秀雋者欲爲中書學生安世年十一帝見其尚小引問之安世陳說父祖甚有次第卽以爲生帝每幸國學嘗獨被引問詔日汝但守此至大不慮不富貴

祖瑩范陽人八歲能誦詩書十二爲中書學生內外親屬呼爲聖小兒後歷秘書監遷車騎將軍

李琰之字景珍司空詔之族弟早有盛名時人號日神童位至兼侍中車騎大將軍左光祿大夫

袁翻子聿修九歲州辟主簿性深沉有鑒識清靖寡  
欲與物無競姨夫尚書崔林深知所賞  
李謐涿郡人年十三通孝經論語毛詩尚書歷數之  
術尤盡其長州閭鄉黨有神童之號後徵拜著作郎  
辟以授第郁公府二辟皆不就及卒命謚曰貞靜處  
士表其門曰文德里曰孝義  
北齊邢邵十歲便能屬文雅有才思聰明強記日誦  
萬餘言族兄鸞有文鑒謂子弟曰宗室中有此兒非  
嘗人後爲太嘗卿中書監攝國子祭酒復授特進卒  
杜弼幼聰敏家貧無書年十二寄郡學受業教授之

際師每奇之位至膠州刺史

王紘性機敏應對辯捷年十三見揚州刺史太原郭  
元貞元貞撫其背曰汝讀何書對曰誦孝經曰孝經  
云何曰在上不驕爲下不亂元貞曰吾作刺史豈其  
驕乎紘曰公雖不驕君子防未萌亦願留意元貞稱  
善年十五隨父在北豫州行臺侯景與人論掩衣法  
爲當左爲當右尚書敬顯雋曰孔子云微管仲吾其  
被髮左衽矣以此言之左衽爲是紘進曰國家龍飛  
朔野雄步中原五帝異儀三王殊制掩衣左右何足  
是非景奇其早慧賜以名馬後官至散騎嘗侍兼侍

李繪字敬文年六歲便自願入學家人以偶年俗忌約而弗許遂伺其伯婦筆牘之間而輒竊用未幾遂通悉就章內外異之以爲非嘗兒也天保初爲司徒右長史卒

徐之才幼而雋發五歲誦孝經八歲畧通義旨曾與從兄康造梁太子詹事汝南周捨宅聽老子捨爲設食乃戲之曰徐郎不用心思義而但事食乎之才答曰蓋聞聖人虛其心而實其腹捨嗟賞之年十三召爲大學生粗通禮易彭城劉孝綽河東裴子野吳郡

張曠等每共論周易及喪之服儀酬答應之如響咸共歎曰此神童也位至僕射卒  
楊愔字遵彥小名秦王弘農華陰人父津魏時累爲司空侍中愔兒童時口若不能言而風度深敏出入門閣未嘗戲弄六歲學史書十一受易好左氏春秋幼喪母曾詣舅源子恭子恭與之飲問讀何書曰誦詩子恭曰誦至滑陽未邪愔便號泣感噎子恭亦對之歔歔遂爲之罷酒子恭後謂津曰嘗謂秦王不其察慧從今已後更欲刮目視之愔一門四世同居家甚隆盛昆季就學者三十餘人學庭前有李樹實落

地羣兒咸爭之情頽然坐其季父暉適入學館見之  
因大嗟異顧謂賓客曰此兒恬裕有戎風宅內有茂  
竹遂爲惜於林邊別葺一室命獨處其中嘗銅盤具  
盛饌以飯之因以督厲諸子曰汝輩但如遵彥謹慎  
自得竹林別室銅盤重肉之食情從父兄黃門侍郎  
昱特相器重曾謂人曰此兒駒齒未落已是我家龍  
文更十歲後當求之千里外後拜尚書令又拜特進  
驃騎大將軍

李稚廉趙高邑人齊州刺史義深之弟少而寡欲爲  
兒童時初不從家人有所求請嘗改以金寶授之終  
不取強付輒擲之於地州牧以其蒙稚而廉故名曰  
稚廉聰敏好學年十五頗尋覽五經章句嘗爲青州  
刺史未幾徵爲并省都官尚書卒

孫靈暉浮州武強人魏大儒祕書監惠蔚靈暉之族  
魯王父也靈暉少明敏有器度惠蔚一子早卒其家  
書籍多在焉靈暉年七歲便好學日誦數千言惟尋  
討惠蔚手錄章疏不求師友三禮及三傳皆通宗旨  
然始就鮑季詳熊安生質問疑滯其所發明熊鮑無  
以異也後爲大將軍司馬

蘇瓊字珍之幼時隨父在邊嘗謁東荊州刺史曹芝

芝巖問曰卿欲官否對曰設官求人非人求官芝巖其對署爲府長流參軍後爲博陵太守

和士開幼而聰慧選爲國子學生解悟捷疾爲同業所尚武平元年封淮王除尚書令錄尚書事

後周檀翥字鳳翔高平金鄉人六世祖毓晉步兵校尉父江始還北任至太嘗少卿翥十歲喪父還京師宅與營人雜居幼孤寒不與鄰人來往好讀書解屬文能鼓琴早爲瑯琊王誦所知

宗標少聰敏好讀書晝夜不倦語輒引古事鄉里呼爲小兒學士後拜車騎大將軍卒

韋瑱字世瑜聰敏有夙成之量閭里咸敬異之後位至侍中驃騎大將軍

柳慶年十三時父僧習爲潁川郡地接鄰畿民多豪右將選鄉官皆依倚貴勢競來請託選用未定僧習謂諸子曰權貴請託吾弁不用其使欲還皆須有答汝等各以意爲吾作書也慶乃具書草云下官受委大邦選吏之日有能者進不肖者退此乃朝廷嘗與僧習讀書歎曰此兒有意氣大丈夫理當如是卽依慶所草以報後爲宜州刺史人爲司會卒

李旭頓丘臨黃人小名那祖彪名重魏朝爲御史中

尉父游亦有才行爲當世所稱游兄志爲荊州刺史游從至州屬爾朱之亂與志俱奔江左旭性峻恣不雜交游幼年已解屬文有聲雒下時雒陽創置明堂旭年十數歲爲明堂賦雖優洽未足才制可稱觀者咸曰有家風矣

長孫澄字士亮魏太師稚之子年十歲司徒李瑛之見而竒之遂以女妻焉十四從征討有策謀勇冠諸將後拜大將軍封義門公爲玉壁總管卒

李賢字賢和九歲從師受業畧觀大旨而已不尋章句或謂之日學不精勤不如不學賢日夫人各有志

賢豈能強學待問領徒受業耶惟當相聞教義補已不足至如忠孝之道實銘之於心問者慚服位至大將軍

賢子崇文字永隆以父賢勲封廼維縣侯時年少拜爵親族相賀崇獨泣下賢問之對日無勲於國幼少封侯當報主恩不得終於孝養是以悲耳賢繇此大竒之位至大府中丞大夫

斛斯徵字士亮太傅尚書令椿之子幼聰穎五歲誦孝經周易識者異之及長涉羣書尤精三禮後爲太子太保

柳霞幼而爽邁神采嶷然髫歲便有成人之量篤好文學動合規矩其世父慶遠特器異之後爲驃騎大將軍霍州刺史卒

劉祥幼而聰慧占對俊辯賓客見者號爲神童年十歲能屬文十二通五經

顏之儀幼穎悟三歲能讀孝經位至集州刺史

蕭大園幼而聰敏神情俊悟年四歲能誦三都賦及孝經論語七歲居母喪便有成人之性後爲內史侍郎西河郡守卒

蕭橋字智遐梁武帝弟安成王秀之子也性溫裕有

儀表年十一入國學博觀經史雅好屬文在梁封永

豐縣侯

沈重字德厚吳興武康人性聰悟有異嘗童七歲而孤居喪合禮位至散騎嘗侍太嘗卿

張元字孝始年六歲祖父成以夏中熱欲將元就井浴元固不肯從謂其貪戲乃以杖擊其脛曰汝何爲不肯洗浴元對曰衣以葢形爲覆其褻不能露其體於白日之下祖異而捨之南鄰有二杏樹杏熟多落元園中有諸小兒競取而食之元所得者送還其三鄭譚年十餘歲嘗詣相府司錄李長宗長宗於衆中



戲之譚從容謂長宗曰明公位望不輕瞻仰斯屬輒相翫狎無乃喪德長宗甚異之

隋王述字長述後周驃騎大將軍罷之孫少聰敏有識度年八歲周太祖見而奇之曰王公有此孫足為不朽後位至大將軍復授行軍總管

于仲文後周大佐軻實之子九歲嘗於云陽宮見周太祖問曰聞兒好讀書書有何事仲文對曰資父事君忠孝而已太祖甚嗟嘆之後為右翊衛大將軍進位光祿大夫卒

裴政字德表幼學明敏博聞強記達於時政為當世

所稱年十五辟邵陵王府法曹參軍事終於襄州總

管

于宣敏字仲達少沉密有才思年十一詣周趙王命之賦詩宣敏為詩甚有幽貞之志王大奇之坐客莫不嗟賞位至奉車都尉

史萬歲京兆杜陵人父靜周滄州刺史萬歲少英武善騎射驍捷若飛好讀兵書兼精占候年十五值周齊戰於邗山萬歲時從父入軍旗鼓相望萬歲令左右趣治裝急去俄而周師大敗其父繇是奇之後為河州刺史行軍總管

蘇夔八歲誦詩兼解騎射年十三從父威至尚書省與安德王雄馳射賭得駿馬而歸十四詣學與諸儒議論詞致可觀見者皆稱善位至通議大夫

李德林幼聰敏年數歲誦左思蜀都賦十餘日便畢高隆之見而嗟嘆通告朝士云若假其年必爲天下偉器鄴京人士多就宅觀之月餘日中車馬不絕年十五誦五經及古今文集日數千言後終於懷州刺史

宇文欣字仲樂幼而敏慧爲兒童時與羣輩戲輒爲部伍進止行列無不用命者位至右領軍大將軍

韋師字公穎少沉謹有至性初就學始讀孝經捨書而歎曰名教之極其在茲乎終於汴州刺史

楊昇字文殊美風儀沉深有器局韶胤就學日誦千言見者奇之後爲刑部尚書除吳州總管卒

柳肅少聰敏閑於占對起家周齊王文學武帝見而異之召拜宣納上士位至工部侍郎

韋世康幼而沉敏有器度年十歲州辟主簿後拜荊州總管卒於家

劉顯字嗣芳幼而聰敏當時號曰神童  
辛德源字孝基沉靜好學年十四解屬文及長博覽

書記後爲諮議參軍

陸爽字開明少聰敏年九歲就學日誦二千餘言齊尚書僕射楊遵彥見而異之曰陸氏代有人焉官至太子洗馬

胡克讓年十四釋褐梁湘東王法曹參軍時舍人朱异在儀賢堂講老子克讓與焉堂邊有修竹异令克讓詠之克讓攬筆輒成其卒章曰非君多愛賞誰貴此真心异甚奇之後爲通直散騎嘗侍卒

游元字楚容少聰敏年十六齊司徒徐顯秀以爲參軍事後位至朝請大夫兼侍御史

何妥字棲鳳西域人少機警八歲游國子學助教顧良戲之曰汝旣姓何是荷葉之荷爲是河水之河應聲答曰先生姓顧是眷顧之顧是新故之故衆咸異之終於國子祭酒

庾質字行修少而明敏早有志向八歲誦梁世祖玄覽言志等十賦拜童子郎位至太史

袁克少警悟年十餘歲其父黨至門時冬初克尙衣葛衫客戲克曰袁郎子絺兮綌兮妻其以風克應聲答曰惟絺與綌服之無斃以是大見嗟賞後位至祕

書令

册府元龜

總錄部

卷之七百七十五

盧大翼字協昭河間人本姓章仇氏七歲詣學誦數千言州里號曰神童及長閉居味道不求榮利率於

雒陽

度季才幼穎悟八歲誦尚書十二通周易好古玄象後爲通直散騎嘗侍

崔頥字祖濬七歲能屬文容貌短小有口才開皇初秦孝皇薦之射策高第後爲越王長史

薛道衡字玄卿河東汾陰人祖聰魏齊州刺史父季通嘗山太守道衡六歲而孤專精好學年十三講左氏傳見子產相鄭之功作國僑贊頗有詞致見者奇

之後才名益著位至司隸大夫

許善心字務本九歲而孤爲母范氏所鞠養幼聰明有思理所聞輒能誦記多聞默識爲當世所稱家有舊書萬餘卷皆遍通涉十五解屬文牋上父友徐陵大奇之謂人曰才調極高此神童也後爲給事中

薛世雄爲兒童時與羣輩游戲輒畫地爲城郭令諸兒爲攻守之勢有不從令者世雄輒撻之諸兒畏憚莫不齊整其父見而奇之謂人曰此兒當興吾家矣位至左禦衛大將軍

房彥謙字孝冲早孤不識父爲母兄之所鞠養長兄

詢雅有清鑒以彥謙天性穎悟每奇之親教之讀書年七歲誦數萬言爲宗黨所異終於涇陽令

郎茂少敏慧七歲誦騷雅日千餘言後爲尚書左丞鮑宏字閏身父機仕梁爲治書侍御史宏七歲而孤爲兄泉之所愛育年十二能屬文嘗和湘東王繹詩嗟賞不已引爲中記室位至均州刺史

唐陳叔達初在陳年十餘歲嘗侍宴賦十韻援筆便就僕射徐陵甚奇之貞觀中位至吏部尚書

蘇世長父振仕周爲宕州刺史武帝時世長十餘歲上書言事帝以其年少召問讀何書對曰讀孝經論

語武帝曰孝經論語何所言對曰孝經云治國者不

敢侮於鰥寡論語云爲政以德帝善其對令於獸門

館讀書武德中爲天策府軍諮秦府開引爲學士

高士廉幼而精爽絕倫占對敏慧位至開府儀同三

司

李百藥字重規博陵安平人父德林仕隋內史令百藥幼而聰敏年數歲德林於燈下教以四聲一聞便解七歲頗能屬文齊中書舍人陸乂嘗過德林宴齊有誦徐陵文者云將刈瑯琊之稻坐客並不識其事百藥進曰傳稱邠人籍稻杜預注云邠國在瑯琊開

陽縣父等驚喜云此兒神童也官至宗正卿  
百藥子安期幼聰辯七歲解屬文終於荊州大都督  
府長史

孔穎達年八歲就學日讀千餘言至暮更誦未嘗嬉  
戲有異凡童三禮義宗盡能闇記官至國子祭酒

房玄齡幼而聰敏五歲能誦毛詩及乎志學尤上草  
隸博覽墳史位至司空

呂方殺才之子年七歲能誦周易毛詩太宗聞其幼  
敏召見甚奇之賜以練帛

王勃字子安太常博士福疇子也六歲善屬文與兄  
勳俱稱少俊父友杜易簡嘗稱曰此王氏三株樹  
也

楊烱幼聰敏博學善屬文應神童舉拜較書郎爲崇  
文館學士

孫思邈京兆華原人也七歲就學日誦千餘言顯慶  
中高宗召拜諫議大夫不受

狄仁傑字懷英爲兒童時門人有被害者縣吏就詰  
之衆皆接對惟仁傑堅坐讀書吏責之仁傑曰黃卷  
之中聖賢備在尤不能接對何暇偶俗吏而見責耶  
位至內史

元萬頃河南人德州總管白澤之孫也幼解屬文起家爲通事舍人

孫述幼而英俊文思敏速始年十五謁雍州長史崔日用日用小之令爲士火爐賦握翰卽成辭理典贍日用覽之駭然遂爲忘年之交以是價譽益重開元初應哲人奇士舉

韋陟字殷卿尚書左僕射安石之子少聰穎頗異嘗童自幼風標整峻獨立不羣安石尤愛之位至吏部尚書東京留守

蘇震京兆武功人少以門蔭補千牛聰敏好學博涉經史年未志學有老成人風伯頊異之嘗謂所親曰吾家有子矣

嚴武中書侍郎挺之之子神氣俊爽敏於聞見幼有成人之風讀書不究精義涉獵而已弱冠以門蔭策名隴右節度使哥舒翰奏充判官後爲成都尹改簡

兼吏部尚書封鄭國公  
楊綰生而聰慧年四歲處羣從之中敏識過人嘗夜宴親賓客舉座中物以四聲呼之諸賓未言綰應聲指鐵燈樹曰燈盞柄曲衆咸異之位至中書侍郎同中書門下平章事

劉晏字士安曹州南華人年七歲舉神童授祕書省正字終於忠州刺史

高郢字公楚其先渤海蓆人九歲通春秋能屬文郢子定幼聰警絕倫年七歲時讀尚書湯誓問郢曰奈何以臣伐君郢曰應天順人不爲非道又問曰用命賞於祖不用命戮於社是順人乎父不能對定仕至京兆叅軍

房孺復太尉綰之子少慧黠年七八歲卽解綴文親黨奇之位至容州刺史本管經畧使

權德輿生四歲能諷詩十五爲文數百篇編爲董蒙

集十卷名聲日大後爲簡較吏部尚書出鎮回元卒  
蔣義字德源其先嘗州義興人後徙家於河南國子司業集賢學士蔣明之子史官吳兢之外孫代以儒學稱年七歲讀庾信哀江南賦數遍而能暗記始以聰敏精強聞於親黨弱冠該博羣籍時論以史職許之位至祕書監

令狐楚字殼士世以儒雅著稱楚少強記年十五善屬文位至簡較左僕射興元尹克山南西道節度使李聰西平王太尉晟之第十三子七歲以蔭授太嘗寺協律嘗入公署胥吏小之不敬聰鞭之見血西平



因大奇之

元禎九歲能屬文十五明兩經擢第太和中終於簡  
較戶部尚書兼鄂州刺史

李德裕宰相吉甫之子幼而壯志苦心力學吉甫每  
以敏辯誇於同列武元衡曾召之謂曰吾子在家所  
嗜何書意欲探其志也德裕不應翊日元衡具以告  
吉甫因戲曰公誠涉大癡耳吉甫歸以責之德裕曰  
武公身為帝弼不問理國調陰陽而問所讀書書者  
成均禮部之職也其言不當所以不應吉甫後告元  
衡大慚繇是振名德裕會昌中為太尉宣宗時為東

都留守後累貶崔州司馬卒

郭承嘏字復卿汾陽王子儀曾孫生而異乳保之聞

卽好筆硯比及成童能誦五經

楊牧七歲喪父居喪有如成人而母長孫夫人知書  
親自教授十三畧通諸經義善於文詠吳人稱為神  
童兄發戲令詠蛙卽曰澗邊分玉樹龍庭耀銅儀會  
當同鼓吹不復問官私又令詠筆仍賦鑽字卽曰雖  
非囊中物何堅不可鑽一朝操政事定使冠三端每  
良辰美景吳人造門觀神童請為詩什觀者壓敗其  
藩後自宣歙觀察使貶端州司馬尋削官封

梁羅周敬年七八歲學賦詩往往傳於人口

後唐馬希範湖南節度使殷之第三子少而溫雅稍

涉文史開平中授著作佐郎國子博士俄解金紫光

祿大夫簡較右僕射典湖南親軍同光中殷遣希範

入貢莊宗問洞庭廣狹希範對曰洞庭至狹若車駕

南絕止可飲馬莊宗拊背嘉之超授簡較太保永州

刺史

李琪年十三詞賦詩頌大為王鐸所知然亦疑其假

手一日鐸召父毅讌於公署密遣人以漢高祖得三

傑賦題就其第試之琪援筆立成賦尾云得士則昌

非賢罔共龍頭之友斯貴鼎足之臣可重宜哉項氏

之所以止一范增而不能用鐸覽而駭之曰此兒大

器也將擅文價

趙美幽州節度使德鈞之孫天成四年德鈞奏美年

五歲默念何論孝經令於汴州取解就試勅封尉之

孫能念儒書備彰家訓不勞就試特與成名宜賜別

勅及第仍附今年春榜

晉盧質幼聰慧善屬文年十六陝帥王重盈奏授芮

城令

安元信幼為兒童時嘗與里中同輩戲為營陣獨申

明進退交繫之勢宛成部分邑之耆老有尚懷古者  
謂元信父萬金曰此子成人必達軍旅之事若賦以  
壽則為將為侯爾其志之後至耀州團練使

漢李崧涿州饒陽人父舜卿本州錄事參軍崧幼而  
聰敏十餘歲為文家人奇之弱冠本府署為參軍其

父嘗謂宗人李鱗曰大醜坐處奇形氣異前途應不  
居徒勞之地賴吾兄誨激之

大醜即崧  
之小字也

後至宰相

周皮台符字光信涿州武強人幼善屬文唐同光中  
擢進士第釋褐為鎮定從事位至翰林學士  
和凝幼而聰敏姿狀秀拔神彩射人少好學書一覽

者咸達其大義後至相位

王朴幼警慧好學善屬文位至樞密使

册府元龜

幼敏

總纂部

卷之七百七十五

冊府元龜 幼敏三

冊府元龜

淮南李嗣京參閱

西極文翔鳳訂正

豫章黃國琦較釋

總錄部 二十六

夫為萬物之靈稟五行之秀而不能馳聲於當年揚  
名於沒世者奚足謂之賢哉故有德美淵騫英華發  
越扶義侷儻懷才超拔志節抗邁公廉絕俗經術深  
厚風裁詳雅繇茲而稱於儕伍聞於州里著於官次

冊府元龜 總錄部

乙

顯於朝廷布於天下流於絕域者蓋有之焉其或同時接武齊名並駕為游談之矜武聳士類之慕何傳所謂死而不朽者皆是之謂歟

子產鄭人簡公二十三年諸公子爭寵相殺又欲殺子產公子或諫日子產仁人鄭所以存者子產也勿殺乃止

澹臺滅明事孔子既以受業南游至江從弟子三百人設取于去就名施乎諸侯

晏平仲嬰者萊之夷維人也事齊靈公莊公景公三世顯名於諸侯

越范蠡三徙成名於天下非苟去而已所止必成名季老死于陶故世傳曰陶朱公

吳起衛人魏武侯封起為西河守甚有聲名

耳茂下蔡人起下蔡間顯名諸侯

漢張耳陳餘皆大梁人張耳少時為魏公子無忌客與陳餘兩人魏之名士也陳涉起斬至陳張耳陳餘

上謁涉

上謁若今之通名

涉及左右生平數聞耳餘賢未嘗

見見即大喜

謂廷

陸賈勸陳平交驩大尉周勃以此游漢廷公卿間

朝廷名聲藉甚

言狼藉甚盛

孝文即位為大中大夫

李布楚人也布弟季心聲聞關中嘗殺人亡吳從爰  
繇匿長事爰繇言以兄長之禮事也弟畜灌夫籍福之屬嘗為

中司馬中尉中尉到都不敢加少年多時竊借其名

以行詐自稱為心之賓客徒黨也當是時季心以勇聞布以諾聞

關中後為河東守

韓安國為人多大略知足當世取舍舍止也取舍言可取則取可舍

則而出於忠厚貪財利然所推舉皆廉士賢於已者

於梁舉壺遂臧固至它皆天下名士於梁舉二人至於他余所舉皆

名士也士亦以此稱慕之惟天子以為國器官至御史

大夫

鄭當時字莊陳人也脫張羽於阨梁孝王將楚祖之弟也聲聞

梁楚間後為大司農未嘗名吏與官屬言若恐傷之

聞人之善言進之上惟恐後由東諸公以此翕然稱

鄭莊

鄒陽齊人與吳嚴忌枚乘等俱仕吳皆以文辯著名

為梁上客而卒

灌夫字仲孺穎陰人吳楚反時夫父孟為較尉戰死

夫不肯隨喪歸奮曰願取吳王若將軍頭以報父讐

於是乃從奴十餘騎入吳軍至戲下亡其奴獨與一

騎歸夫身中大創十餘適有萬金良藥故得無死創

少瘳又請復往將軍壯而義之恐亡夫乃言太尉

大尉

周勃也太尉固止之吳軍破夫以此名聞天下後至燕

相不肯謂夫說當曰燕吳共主

漢李陵少為侍中建章監善騎射愛人謙下士甚得

名譽

楊惲司馬遷外孫也以材能稱好交英俊諸儒名顯

朝廷官至光祿勳

尹翁歸為政雖任刑其在公卿之間清潔自守語不

及松然温良謙退不以行能驕人甚得名譽於朝廷

為右扶風病卒

辛慶忌遷校尉將吏士屯焉者國還為諸者尚未知

名元帝初補金城長史舉茂材遷郎中車騎將軍朝

廷多重之者輔為較尉遷張掖太守徙酒泉所在著

名

雋不疑治春秋為郡文學進退以禮名聞州郡官至

京兆尹

趙廣漢為潁川太守威名流聞匈降者言匈奴中皆

聞廣漢名

酈曼容漢兄之子也亦養志自脩其名過出於漢官

至六百石輒免去

樓護字君卿為京兆吏其得名譽護為人知小精辯  
論議嘗依名節與谷永俱為五侯上客長安號曰谷  
子雲之筆札樓君卿之唇舌護官至天水太守永至  
大司農

杜欽字子夏少好經書家富而目偏盲故不好為吏  
茂陵杜鄴與欽同姓字俱以材能稱京師故衣冠謂  
欽為盲杜子夏以相別欽惡以疾見謚廼為小冠高  
廣才三十方與繇是京師更謂欽為小冠杜子夏而  
鄴為大冠杜子夏欽不仕鄴官至京州刺史  
龔勝字君賓龔舍字君情皆楚人也兩人相友並著

名節故世謂之楚兩龔勝官至光祿大夫舍亦至光  
祿大夫稱病不起

楊雄少時從嚴君平游巨而仕京師顯名除為郎給  
事黃門

紀逡王思琅邪人薛方子容齊人郇越呂仲郇相稚  
賓大原人唐林子高唐尊伯高沛郡人皆成帝至王  
莽時清名之士也皆以明經飾行顯名於世飾謹也

陳遵字孟公少與張竦相親友哀帝之末俱著名字  
為後進為後進人所到衣冠懷之惟恐在後時列  
侯有與遵同姓字者每至入門日陳孟公坐中莫不



震動既至而非因號其人曰陳驚坐遵官至河內都尉

後漢張湛自太子太傅退居中東門侯舍故時人號

曰東門君

承官爲左中郎將名播匈奴時北單于遣使求得見官明帝勅自整飾宮對曰夷狄眩名非識實者也臣狀醜不可以示遠宜選有威容者帝乃以大鴻臚魏應代之

蔡彤子孫多爲邊吏者皆有名稱

崔駰少游大學與班固同爵同時齊名官至長岑長

馮豹好儒學以詩春秋教麗山鄉里爲之語曰道德

彬彬馮仲文位至尚書

卓茂與同縣孔休陳留蔡勳安衆劉宣楚國龔勝上

黨鮑官六人同志不仕王莽時並名重當時光武即

位以爲太傅

王扶爲議郎有節行臨邑侯劉復着漢德頌盛稱扶

爲名臣

第五種字與先少勵志義爲吏冠名州郡官至兗州

刺史

李咸字元貞汝南人累經州郡以廉幹知名在朝清

忠權倖憚之

鄧彪字智伯與同郡宗武伯翟敬伯陳綏伯張弟伯

同志好齊名南陽號曰五伯彪位至大傅錄尚書事

栢彬字彥林少與蔡邕齊名舉孝廉拜尚書郎

召馴傲儻不拘小節以志義聞鄉里號之曰德行恂

恂召伯春仕至光祿勳

樓望操節清白著稱鄉里仕至左中郎將

周澤字稚都孫堪字子稚堪行顯於澤故京師號曰

二稚澤位至太常堪至侍中騎都尉

韓融少能辯理而不為章句學聲名甚盛五府並辟

位至太僕

荀爽字慈明耽思經史慶弔不行徵命不應潁川為

之語曰荀氏八龍慈明無雙後遭黨錮隱於海上又

南遁漢濱積千餘言以著述為事遂稱為碩儒位至

司空

袁閔字奉高數辭公府之命不修異操而致名當時

金元休名尚京兆人與同郡常休甫第五文休俱著

名號為三休尚獻帝初為兖州刺史東之郡而魏太

祖已臨兖州尚依袁術術僭號欲以尚為太尉不敢

顯言私使諷之術亦不敢強也建安初尚逃還為術

黃香博學經典究精道術能文章京師號曰天下無  
雙江夏黃童官至魏郡太守

矯慎隱遁山谷與馬融蘇章鄉里並時融以才博顯  
名章以廉貞為稱然皆推先慎

賈彪少游京師志節慷慨與同郡荀爽齊名後至新  
息長

董扶少游太學與鄉人任安齊名仕至蜀郡屬國都  
尉

侯瑾嘗以禮自牧徵召不到覃思著述西河人敬其

才而不敢名之皆稱為侯君公車徵不至

蘇純字栢公有高名姓強勁而持毀譽士友咸憚之

至乃相謂曰見蘇栢公患其教責人不見又思之三

輔號為大人大人長者之稱尊信者也仕至南陽太守言其

何顛少游學雒陽顛雖後進而郭林宗賈偉節等與

之相好顯名太學後辟司空府

郭泰字林宗太原介休人也不應辟召桓帝時太學

諸生三萬余人郭林宗賈偉節為其冠與李膺陳蕃

王暢更相褒重學中諸生日天下模楷李元禮不畏

強禦陳仲舉天下俊秀王叔茂海內希風之流遂共

相標榜指天下名士為之稱號上曰三君次日八俊  
 次日八顧次日八及次日八厨猶古之八元八愷也  
 竇武劉淑陳藩為三君君者言一世之所宗也李膺  
 荀昱杜密王暢劉祐魏郎趙典朱寓為八俊俊者言  
 人之英也郭林宗宗慈巴肅夏馥范滂尹勲蔡衍羊  
 陟為八顧顧者言能以德行引人者也張儉岑崕劉  
 表陳祥孔昱范康檀敷翟超為八及及者言其能導  
 人追宗者也度尚張邈王考劉儒胡母班秦周蕃向  
 何王章為八厨厨者言能以財救人者也  
 劉表字景升山陽人少知名號八俊仕至荊州牧

張璠

漢紀曰表與同郡人張隱薛郁王訪宣靖公諸恭劉  
 祗田林為八及或謂之八顧漢末名士錄云表與汝  
 南陳翔字仲慕范滂字孟博魯國孔昱字世元渤海  
 范康字仲貞山陽檀敷字文友張儉字元節南陽岑  
 暉字公孝為入友胡母班字季皮太山人少與山陽  
 度尚東平張邈等八人並輕財赴義振濟人士世謂  
 之八

李膺為司隸校尉是時朝廷日亂紀綱頽弛膺獨持  
 風裁以聲名自高士有被其容接者名為登龍門  
 鍾瑾李膺姑子好學慕名有退讓風與膺同年俱有  
 聲名辟州府未嘗屈志  
 杜密轉太僕黨事既起免歸本郡與李膺俱坐而名  
 行相次故時人亦稱李杜焉

前有李固杜喬故言亦也

竇武少以經行著稱嘗教授於大澤中不交時事名  
 顯關西後至大將軍  
 鍾浩穎川長社人時郡中先輩為海內所歸者蒼梧  
 太守定陵陳稚叔黎陽令穎陰荀淑及皓少府李膺  
 嘗宗此三人曰荀君清識難尚陳鍾至德可師淑至  
 朗陵侯相棄官歸皓累徵不就  
 陳實與子紀高名並著而紀弟譔又配之世號曰三  
 君每宰府辟命率皆同時羔鴈成群丞掾交至豫州  
 百姓皆圖畫實紀譔之形象實至大丘長紀至大鴻

臚 譔史不載官

段紀明武威姑臧人與皇甫威明張然明並知名顯  
 達京師稱為京州三明明云  
 任安字定祖少游太學受孟氏易兼通數經又從同  
 郡楊厚學圖讖究極其術時人稱曰欲知仲相問任  
 安又曰居今行古任定祖  
 趙壹舉郡上計到京師河南尹羊陟與司徒袁逢共  
 稱薦之名動京師士大夫想望其風采十辟公府不  
 就  
 王烈通識達道秉義不圓以穎川陳大兵為師二子  
 為友時穎川荀慈明賈偉節李元禮韓元長皆就陳

君學見烈器業過人歎服所履亦與相親由是英名  
 著於海內表表不聞以融與平原陶立洪陳留邊讓並以俊秀為後進冠  
 蓋融持論經理不及讓等而逸才宏博過之融官至  
 少府太中大夫洪辟太尉府讓至九江太守  
 魏李豐字安國故衛尉李義子也文帝時以父任召  
 隨軍始為白衣時年十七八在鄴下名為清白識別  
 人物海內翕然莫不注意後隨軍在許昌聲稱日隆  
 其父不願其然遂令閉門勅使斷客明帝在東宮豐  
 在文學中及即尊位得能吳降人問江東聞名士為

禮盧毓先邈位至司隸較尉

王昶字文舒大原晉陽人也少與同郡王浚俱知名

浚年長昶兄事之位至司空

韓暨為大鴻臚暨為大賢韓宣在後為鴻臚亦稱職

故鴻臚中為之語曰大鴻臚小鴻臚前後治行曷相

如

沐並字德信為三府長史時吳使朱然諸葛瑾攻圍  
 樊城遣艇兵於峴山東斫材牂牁兵人作食有先熟  
 者呼後熟者言共食來後熟者答曰不也呼者曰汝  
 欲作沐德信邪其名流布播於異域如此雖自華夏

不知者以爲前世人也  
蜀習禎字文祥襄陽人有風流善談論名亞龐統而  
在馬良之右子忠亦有名仕至南廣漢太守  
蔣琬字公琰零陵湘鄉人弱冠與外弟泉陵劉敏俱  
知名琬至大司馬敏至右護軍

費禕字文偉江夏鄆人與汝南許叔龍南郡董允齊  
名禕位至大將軍允侍中守尚書令

楊戲字文然犍爲武陽人少與巴西程祁公引巴郡  
楊汰季儒蜀郡張表伯達並知名戲每推祁以爲冠  
首丞相諸葛亮深器之仕至射聲校尉

姜維字伯約爲大將軍時蜀官皆天下英俊無出維  
右

吳徐陵字元大爲零陵太守朝廷待以列卿之位故  
虞翻與書曰元大受上卿之遇叔向在晉未若於今  
其見重如此

周瑜時年二十四吳中皆呼爲周郎後至徧將軍領  
南郡太守

顧邵字孝則博覽書傳好樂人倫少與舅陸績齊名  
而陸遜張敦朴靜皆亞焉邵仕至豫章太守績至徧  
將軍遜至丞相敦至海昏令靜至剡令

步騭字子山大帝為討虜將軍召為主記歲餘騭以疾免與琅邪諸葛瑾彭城嚴峻俱游吳中並著聲名為當時英俊位至驃騎將軍領冀州牧

顧譚為太子友時四方之傑畢集太傅諸葛恪以雄奇蓋衆而譚以清識絕倫獨見推重自太尉范慎謝

景羊徽之徒皆以秀稱其名而悉在譚下位至太常晉應貞字吉甫善談論以才學稱夏侯玄有盛名貞

詣玄玄甚重之位至散騎嘗侍鄒湛字潤甫以才學知名為征南從事中郎深為羊祐所器重

胡威字伯武一名貔貉淮南壽春人文質以忠清著

稱少與鄉人蔣濟朱績俱知名於江淮間官至青州刺史

何曾字穎考陳國陽夏人父夔魏太僕陽武亭侯曾少襲爵好學博聞與同郡袁侃齊名曾位至大宰侍

中侃至尚書歐陽建字堅石世為冀方右族雅有理思才藻富贍擅名北州時人謂之語曰勃海赫赫歐陽堅石仕至

馮翊太守石浚字景倫清儉有鑒識敬愛人物位至黃門侍郎



爲當世名士  
傅祗字子莊父嘏魏太嘗祗性至孝早知名以才識  
明練稱位至待中遷司徒不拜  
劉毅幼有孝行少厲清節然好臧否人物王公貴人  
望風憚之位至尚書僕射光祿大夫

裴憲爲侍中王浚承制以爲尚書階石勒爲右光祿  
大夫司徒太傅封安定郡公憲歷官無幹績之稱然  
在朝玄默未嘗以物務經懷但德重名高動見尊禮  
王罕字子綸愷子也幼有門風才望不及愷以淑行  
致稱爲清平佳士

和嶠少有風格慕夏侯玄之爲人厚自崇重有盛名  
於世朝野許其能整風俗理人倫位至尚書令  
王濟字武子少有逸才風姿英爽氣蓋一時好弓馬  
勇力甚絕人善易及莊老文詞俊茂伎藝過人有名  
當世與姊夫和嶠及裴楷齊名位至侍中河南尹  
秦秀字玄良少敦學行以忠直知名終於博士  
華嶠字叔駿才學深博少有令名位至秘書監散騎  
常侍  
山簡濤之子也性溫雅有父風後與譙國嵇紹沛郡  
劉謨弘農楊淮齊名位至征南將軍鎮襄陽

王玄衍之子少慕簡曠亦有俊才與衛玠齊名玄衍  
爲陳留太守玠後至太子洗馬

荀闢字道明亦有名稱京都謂之語曰雒中英英荀

道明

羊曼任達頹縱好飲酒温嶠庾亮阮放栢彞同志友  
善並爲中與名士時州里稱陳留阮放爲宏伯高平  
劉鑿爲方伯泰山胡母輔之爲達伯濟陰卞壺爲裁  
伯陳留蔡謨爲郎伯阮孚爲誕伯高平劉綏爲委伯  
而曼爲黯伯凡八人號兗州八宿蓋擬古之八雋也  
曼位至前將軍放至楊威將軍交州刺史鑿至太尉

輔之至楊武將軍湘州刺史壺至領軍將軍謨至司

徒不拜孚至鎮南將軍廣州刺史綏至荊州刺史

江統字應元靜默有遠志時人諸之語曰嶷然稀言

江應元與鄉人蔡克俱知名位至黃門侍郎散騎嘗

侍

劉與字慶孫雋朗有才局與弟琨並尚書郭奕之甥  
名著當時京師爲之語曰雒中奕奕慶孫越石與官

至潁川太守琨官至司空廣武侯

祖逖字士雅博覽書記該涉古今往來京師見者謂

逖有贊世才具官至豫州刺史

華軼字彥夏少有才氣聞於當世汎愛博納衆論美之官至江州刺史

劉琨少得雋朗之名與范陽祖納俱以雄豪著名琨位至司空納至光祿大夫

劉耽字敬道少有行檢以義尚流稱為宗族所推位至特進金紫光祿大夫

周馥字祖宣浚從父弟也父蕤安平太守馥少與友人成公簡齊名俱起家為諸王文學

袁楷字叔則明悟有識量弱冠知名尤精老易少與汪戎齊名位至光祿大夫開府儀同三司戎至司徒

裴秀少好學有風操八歲能屬文時人為之語曰後

進領袖有裴秀裴王一族盛於魏晉之世時人以為

八裴方八王徽比王祥楷比王衍康北王綏綽比王

澄瓚北王敦邀比王導頽比王戎邈比王玄秀位至

司空

顧榮字彥先吳國吳人為南士著姓祖雍吳丞相父

穆宜都太守榮機神穎悟弱冠仕吳為黃門侍郎太

子輔義都尉吳平與陸機兄弟同入維時人號為三

俊例并為郎中

徐邈姿性端雅勤行勵學博涉多聞少與鄉人臧壽

齊名後至驍騎將軍

諸葛恢字道明潁川荀闔字道明陳留蔡謨字道明

與恢俱有名譽號曰中興三明時人為之語曰京都

三明各有名蔡氏儒雅荀葛清恢位至侍中金紫光

祿大夫

薛兼字令長丹陽人父瑩有名吳朝吳平為散騎嘗

侍兼清素有器宇少與同郡紀瞻廣陵閔鴻吳郡顧

榮會稽賀循齊名號為五俊初入雒司空張華見而

竒之曰皆南金也兼瞻並位至散騎嘗侍鴻仕吳至

尚書榮至鎮東軍司散騎嘗侍循至大嘗

褚爽字謀遠以才藝頓幹稱襲爵閣內侯

張輔字世偉南陽西鄂人漢河間相衡之後也少有

幹局與後母兄劉喬齊名輔為馮翊太守喬至豫州

刺史

索靖字幼安敦煌人官至游擊將軍靖少有逸群之

量與鄉人汜衰張騫索紛索永俱詣大學馳名海內

號稱敦煌五龍

牽秀字成叔武邑觀津人也祖招魏馬門太守秀博

辯有文才性豪俠弱冠得美名為太保衛瓘尚書崔

洪所知秀位至中書令

衛瓘貞靜有名理以明識清允稱位至太保

裴頠為人弘雅有遠識博學稽古履行高整自少知

名位至尚書僕射

荀羨字令則崧之子清和有準年十五尚尋陽公主

拜駙馬都尉弱冠與琅邪王齊名

周顛少有重名廣陵戴若思東南之美舉秀才入維

素聞顛名往候之終坐而不敢顯其才辯位至護

軍將軍

祖約逃之弟永嘉末隨狄過江元帝稱制引為掾屬

與陳留阮孚齊名位至右將軍散騎嘗侍

胡母輔之與王龍王敦庾敳俱為太尉王衍所昵號

曰四友

譙獻之巴西南充人有重名於西土

衛玠字叔寶風神秀異玠妻父樂廣有海內重名議

者以為婦翁冰清女壻王閏玠好言玄理王澄及王

玄王濟並有盛名然皆出玠下世云王家三子不如

衛家一兒子時中與名士惟王承及玠為當時第一

玠官至太子洗馬

王承字安期湛之子也弱冠知名太尉王衍雅貴異

之比南陽樂廣為東海太守去官東渡江及至建業

為元帝鎮東府從事中郎甚見優禮承少有重譽而推誠接物盡弘恕之理故衆咸親愛焉渡江名臣王道衛玠周顛庾亮之徒皆出其下

王謚字雅遠有美譽與譙國栢齋王綏齊名位至侍中揚州刺史

周玘字宣佩強毅沉斷有父風而文學不及閉門絮已不妄交游士友咸望風敬憚焉故名重一方位至建武將軍南郡太守

庾冰字季堅兄亮以名德流訓冰以雅素垂風諸弟相率莫不好禮為世論所重亮常以為庾氏之寶冰

位至車騎將軍江州刺史

孔愉字敬康與同郡張茂字備康丁潭字世康齊名時人號曰會稽三康愉位至鎮軍會稽內史

周密字泰玄性虛簡時人稱為清士位至尚書郎

孔衍宗人夷吾有美名博學不及衍涉世聲譽過之

元帝以為主簿

王坦之字文度弱冠與却超俱有重名時人為之語曰盛德絕倫却嘉賓江東獨步王文度嘉賓超小字也坦之仕至北中郎將徐兗二州刺史超至司徒左

長史

王忱字元達弱冠知名與王恂俱流譽一時歷位驃騎長史嘗造其舅范甯與張玄相遇甯使與玄語玄正坐歛衽待其有發忱竟不與言玄失望便去甯讓忱曰張玄吳中之秀何不與語忱笑曰張祖希欲相識自可見諸甯謂曰鄉風流俊望真後來之秀忱曰不有也焉有此甥既而甯使報玄玄東帶造之始為賓主忱位至建武將軍

龔壯字子瑋巴西人也繁已自守與鄉人譙秀齊名不仕而卒

褚哀少有簡貴之風與京兆杜乂俱有名冠于中興

位至衛將軍徐充二州刺史

謝韶字穆度方之子少有名時謝氏尤彥秀者稱封胡羯末封謂韶胡謂即羯謂玄末謂川皆其小字也韶位至車騎司馬即至東陽太守玄至左將軍川早卒

謝安寓居會稽累辟不就時安弟萬為西中郎將總藩任之重安雖處衡門其名猶出萬之右自然有公輔之望處家常以儀範訓子弟能為雒下書生詠有鼻疾故其音濁名流愛其詠而不能及或掩鼻以教之位至太保

袁宏有三子其季日明子有父風最知名官至臨賀太守  
 謝玄為會稽內史時吳興太守晉寧侯張玄之亦以才學顯自吏部尚書與玄同年之郡而玄之名亞於玄時人稱為南北二玄論者美之  
 習鑿齒字彥威襄陽人也少有志氣博學洽聞以文章著稱後至荊州別駕  
 孔沉與魏顓虞球虞存謝奉並為四族之俊  
 王珉為侍中代王獻之為長兼中書令二人素齊名世謂獻之為大令珉為小令

卸僧施字惠脫襲爵南昌公弱冠與王摠綬栢裔齊名累居清顯仕至南蠻較尉  
 吳隱之字處默美姿容善談論博涉文史以儒雅標名位至光祿大夫加金章紫綬  
 單裔為征西長史遂顯于朝廷時惟單與吳隱之以寒素博學知名于世  
 王恭字孝伯少有美譽清操過人自負才地高華嘗有宰輔之望與王忱齊名友善慕劉惔之為人謝安常曰王恭人地可以為將來伯舅位至平北將軍交青二州刺史



宋謝莊少有美才文帝元嘉二十七年魏寇彭城魏遣尚書李孝伯來使與鎮軍長史張暢共語孝伯訪問莊及王徽其名聲遠布如此後莊爲中書令金紫光祿大夫

王景文美風姿好言理少與陳郡謝莊齊名位至中書監領太子太傅

謝超宗陳陽夏人也祖靈運臨川內史父鳳元嘉中坐靈運事同徒領南早卒超宗元嘉末得還與惠休道人來往好學有文辭盛得名譽仕至臨川太守袁粲好學善屬文有清譽於世官至司徒從事中郎

張敷好讀玄言與高士南陽宗少之談繫象少女每屈塵尾歎曰吾道東矣於是名價日重後爲司徒左長史

江夷字茂遠少自藻勵爲後進之美位至吏部尚書吳郡太守蔡廓爲祠部尚書年位並輕而爲時流所推重每至歲時皆束帶到門王弘字休光少好學以清怡知名與尚書僕射謝昆善位至太保

顏延之與陳郡謝靈運俱以辭彩齊名自潘岳陸機之後文士莫及也江左稱顏謝焉所著並傳於世延

之位至金紫光祿大夫  
 孔本少骨鯁有風力以是非為己任口吃讀書早知名初舉揚州秀才補主簿後至輔國將軍行會稽郡事  
 王敬弘所居舍亭山林環周倫登臨之美時人謂之王東山  
 褚炫為中書侍郎司徒右長史順帝時炫以清尚與劉侯謝朓江敷入殿侍文義號為四友

冊府元龜

冊府元龜

淮南李嗣京參閣

西極文翔鳳訂正

豫章黃國琦較釋

總錄部 二十七

名望第二

南齊張率為太子舍人武帝請曰卿東南物望朕宿昔所聞祕書丞天下清官今以相處為卿定名譽尋以為祕書丞  
 王績字叔素侍武帝為撫軍吏部尚書張岱選績為

長史呈選牒帝笑曰此可謂素望  
 何修之廬江潘人明帝建武中為鎮北記室參軍侍  
 皇太子講時步兵較尉劉瓛徵士吳苞皆已卒京邑  
 碩儒惟修之而已  
 何載為吏部尚書美容儀動止與褚淵相慕時人呼  
 為小褚公  
 陸慧曉為司徒右長史時陳郡謝朓為左長史府公  
 竟陵王子良謂王融曰我府二上佐求之前世誰可  
 為比融曰爾賢同時便是未有前例  
 陸子真吳郡人王僧達貴公子以才傲物為吳郡太

守入閭門曰彼有人焉顧琛一公兩掾英英門戶陸  
 子真五世內侍我之流亞

張融父暢有名於世後融為南陽王友接對北使李  
 道固就席道固顧而言曰張融是宋彭陽長史張暢  
 子不融頻蹙久之曰先君不幸名達六夷

張寶積融弟也建武中出為廬陵太守時名流謝淪  
 何點陸惠曉孔稚珪至融弟鐵之舍點造坐便日今  
 日可謂盛集二五我兄弟之流阿六張氏保家之子  
 顧見王思遠曰卿詐作善非實得也五謂孔稚珪及  
 融並弟五

朱巽以義烈知名官至江夏王叅軍吳平令

孔廣字淹源會稽人同郡孔道皆才學知名廣美容

止吐納王儉張緒咸美之儉嘗云廣來使人廢簿頌

道不須來來則莫聽去緒數巾車詣之每歎云孔廣

使吾成輕簿祭酒仕至揚州治中從事道抗直有才

藻製東都賦于時才士稱之陳郡謝朓年少時游會

稽還父莊問入東何見見孔道不其見重如此

王筠字元禮又字德柔琅邪臨沂人少擅才名與劉

孝綽見重當世位至太子詹事

傅昭字茂遠北城靈州人祖和之父淡知名宋世或

有稱昭於廷尉虞愿乃遣車延昭時愿宗人通之在

坐並當世名流官至散騎常寺

張纘字伯緒為太子洗馬歷中舍並掌管記與琅邪

王錫齊名普通初魏遣彭城人劉善明詣京師請和

求識纘時年二十三善明見而嗟服後至平北將軍

顏協為湘東王國嘗侍世祖出鎮荊州轉記室時吳

郡顧協亦在藩邸與協同名才學相亞府中稱為二

協

何思澄與宗人遜子郎俱擅文名時人語曰東海三

何子郎最多思澄聞之日此言誤耳如其不然故當

歸遜思澄意宜在已也位至宣惠武陵王中錄事  
伏暄字玄耀曼容之子幼傳父業能言玄理與樂安  
任助彭城劉曼俱知名官至給事黃門侍郎

柳綦字茂和義興太守明之子少聰慧弱冠有令名  
歷尚書郎駙馬都尉

後梁蔡太業為太嘗鄉有五子允恭最知名起家著  
作佐郎

柳愷為黃門侍郎與琅邪王峻兵俱為中庶子時人  
號為方王

王操為尚書令有七子次子衡最知名有才學起家

祕書郎

陳沈照字孔明吳興武康人少有俊才為當時所重  
後至明威將軍

宗元饒南郡人少好學以孝敬聞位至吏部尚書

顧野王父暄為臨賀王記室以儒術知名野王少以  
著學至性知名為太子率更令時官僚有濟陽江搃  
吳國陸瓊北地傳繹吳興姚察並以才學顯著論者  
推重焉

周弘正字思行汝南人仕梁為左民尚書散騎嘗侍  
元帝著金樓子曰余以諸僧重招提琰法師隱士重

華陽陶貞白士大夫重汝南周弘正其於義理清轉無窮亦一時之名士也位至尚書右僕射

徐陵字孝穆名高一代位至尚書僕射

王冲字長深善與人交貴游之中聲名籍甚位至左

光祿大夫領丹陽尹

王通琅邪人父琳有子九人並知名通位至左光祿

大夫加特進侍中

張種吳郡人少悟靜居處雅正不妄交游時人爲之

語曰宗稱敷演梁則卷克清處學尚種有其風敷演卷克

四人皆張氏有各者也種至光祿大夫

蕭引爲吏部郎卒子德言最知名引宗族子弟多以

行知名

陸繕幼有志尚以雅正知名位至左僕射

顏晃琅邪人家世單門傍無戚援而介然脩立爲當

世所知官至散騎常侍兼中書舍人

後魏崔玄伯清河東武城人與同郡董謐文京崔康

時廣陽霍原等俱以碩學播名遼海位至天部大夫

進祿爲公

高翻太尉謐之子以器度知名卒於侍御中散

崔杼三齊人以才學知名舉兗州秀才

公孫軌字元慶少以文學知名後為中書郎

屈遵字子度昌黎徒河人博學多才藝名著當時位

至侍中

李順字德正博涉經史有才策知名於世官至散騎

常侍

李騫字希義博涉經史文藻富盛年十四為國子學生以聰達見知

李暉字善祖小字藥囊少有高名為中書侍郎

李承燉煌公寶之子方裕有鑒裁為時所重

薛聰字延智有世譽累遷治書侍御史直閣將軍

房宣明靈建之子以文學著稱雅有父風為中書侍郎

士

房堅字千秋少有才名為秘書郎

房靈賓文藻不如兄靈建而辯悟過之靈建在右官

至州治中渤海太守以才名見稱兄弟俱入國為平

齊民雖流剽屯圯操尚卓然

高韜少以英朗知名同郡封懿雅相敬為慕容垂太

尉從事中郎

盧文甫字元祐少有器尚涉歷文史有譽於時

崔緯博陵安平人少孤學行修謹有名於世

呂羅漢仁篤慎容弱冠以武幹知名官至內都大官  
張蒲甚為明元所委在謀臣之列屢出為將朝廷清  
論嘗為稱首後為湘州刺史

趙柔字元順金城人少以德行才學知名河右官至  
河內太守

張湛字子然一字仲玄燉煌人弱冠知名涼士好學  
能屬文冲素有志為沮渠蒙遜黃門侍郎

李孝伯美名聞於遐邇孝彪使於齊武帝謂之日在  
北有李孝伯位至尚書

游雅字伯度小名黃頭廣平任人少好學有高才太

武時與勃海高允等俱知名徵拜中書博士東宮內  
侍長

游明根孝文初與高間以儒老學業特被禮遇公私  
出入每相追隨而間以才華時侮明根世號高游焉  
明根位至太鴻臚卿間後至中書監

李神俊小名提少以才學知名為太嘗劉芳所賞位  
至侍中

宋弁字義和廣平列人人也祖愔與從叔宣博陵崔  
建俱知名太武歷位中書博士負外散騎嘗作

張列字徽仙少孤貧涉獵經史有氣槩時青州有崔



徽伯房徽叙與烈並有令譽時人號曰三徽後至瀛州刺史

陽尼博通經籍與上谷侯天護頓丘李彪同志齊名官至幽州北平府長史

祖瑩與陳郡袁翻齊名秀出時人為之語曰京師楚楚袁與祖雒中翩翩祖與袁瑩位至車騎大將軍翻至撫軍將軍

比齊邢邵字子才十歲能屬文文章典麗既瞻且速年未二十名動衣冠與濟陰温子昇為文士之冠世論謂之温邢鍾鹿魏收雖天才豔發而年事在二人

後故子昇死後方稱邢魏焉邵位至中書監

魏收字伯起小字佛助與河間邢子才及收叔季景並以文章顯世稱大邢小魏言尤俊也温子昇邢子才世號三才收少子才十歲子才每曰佛助察人之儔後收稍與子才爭名文宣貶子才曰爾才不及魏收收益得色自序去先稱温邢後曰邢魏然收内陋邢心不許也位至尚書右僕射

崔陵狀貌禿麗善於容止少有名望為當世所知趙郡李渾嘗讌聚名輩詩酒正謹謹悽後到一坐無復談話者鄭伯猷歎曰身長八尺面如刻畫為讌飲供

鍾響胷中貯千卷書使人那得不畏服位至東交州刺史

鄭述祖字恭文榮陽開封人少聰敏好屬文有風簡為先達所稱譽釋褐司空行參軍

陸印字雲駒少機悟美風神好學不倦博覽群書五經多通大義善屬文甚為河間邢邵所賞邵文與印父子彰交游嘗謂子彰曰吾以卿老蚌遂出明珠意欲為郡拜紀可乎由是名譽日高儒雅縉紳尤所推許為吏部郎中

李廣博涉群書有才思文義之美少與趙郡李寒

名為邢魏之亞而訥於言敏於行官至侍御史

庾子信大將軍景和之子機悟有風神徵涉書傳後主時為衛將軍於勳貴子弟之中稱其鑒識

盧公順早以文學見知為符璽郎待詔文林館與博

陵崔君洽隴西李師上同志友善從駕晉陽寓居僧寺朝士謂唐寺三少為物論推許貴公子早亦令譽

陽林之俊爽有風槩少勤學愛文藻弱冠擅聲為後來之俊秀位至中書監

祖班字孝徵神情機警詞藻適逸少馳令譽為世所推起家秘書郎

後周席固襄陽人居家孝友爲州里所重官至昌州刺史

常孝寬爲浙陽郡守時獨孤信爲新野郡守同隸荆川與孝寬情好款密政術俱美荆部吏人號爲連璧常壽字世齡鄭國公孝寬之子以貴公子早有令譽爲右侍上士

柳莊字思敬少有器量博覽墳籍兼善辭令濟陽蔡大寶有重名於江右時爲岳陽王蕭詵諮議見莊歎曰襄陽水鏡復在於茲大寶遂以其女妻之俄而詵辟爲參軍

蘇亮好屬文善章奏與弟肱等皆著名西土年二十餘舉秀才至雒陽過河內嘗景景深器之退而謂人曰秦中才舉可以抗山東者將此人乎位至侍中

宇文神舉偉風儀善辭令博涉經史性愛篇章尤工騎射臨戎對寇勇而有謀莅職當官每著聲績兼好施變士以雄豪自居故得任兼文武聲彰外內百僚無不仰其風采先輩舊齒于今稱之位至并州摠管隋李德林字公輔初仕周爲內史上士武帝嘗於雲陽宮作鮮卑語謂郡臣云我嘗日惟聞李德林名及見其與齊朝作移檄我正謂其是天上人豈意今日

得其驪使復為我作文書極為大異德林既少有十  
名重以貴顯凡製文章動行於世或不知者謂為古  
人焉位至上儀同贈定州刺史

柳裘字茂和少聰慧弱冠有令名官至曹州刺史

何妥字棲鳳少聰警年十七以技巧仕梁湘東王後

知其聰明召為誦書左右時蘭陵蕭春亦有俊才住

青陽卷妥住白陽頭時人為之語曰世有兩俊白楊

何妥青陽蕭春見其美如此官至國子祭酒

劉綽以儒學知名劉炫聰明博學名亞於焯故時人

稱為二劉焉焯官至太學博士炫至旅騎尉

元暉尚書左僕射翌之子頗好涉獵書記少得美名  
於京下

王春字元恭琅邪臨沂人博學多通少有盛名於江

左歷太子洗馬中舍人

裴政字南金位膳部郎中學涉有文藻以輕財貴義

稱

陸彥師字雲房少有行簡為邦族所稱位至吏部侍

郎

宇文愷字安樂愷少有器局家世武將諸兄並以弓

馬自達愷獨好學博覽書記解屬文多伎藝號為名

公子位至金紫光祿大夫

崔儻字岐叔北齊待詔文林館歷殿中膳部員外三

曹郎中儻與頓丘李若俱見稱重時人為之語曰京

師灼灼崔儻李若

王胄字承基為著作佐郎與虞綽齊名同志友善于

時後進之士咸以二人為準的胄官至朝散大夫綽

至著作佐郎

蘇夔尚書右僕射威之子少有盛名於天下引致賓

客四海士大夫多歸之官至通議大夫

于仲文儻有大志氣調英拔當時號為名公子起

家為趙王屬

游元仕後周歷壽春令譙州司馬俱有能名

敬肅字弘儉少以貞介知名仕至潁川郡丞

陳孝意少有志尚弱冠以貞介知名仕至鴈門郡丞

唐李百藥德林子也以名臣之子才行相繼四海名

流莫不宗仰位至宗正卿

杜淹聰辯多才藝弱冠有美名於京邑位至御史大

夫

薛收與從子元敬及薛德音俱有才名時人謂之河

東三鳳呼收為長離德音為鸞鷲元敬最小謂鷓鴣

收仕至天策府記室元敬至天策府參軍兼直記室  
郎余令少以博學知名為霍王元軌府參軍元軌深  
禮之先是余令從父知年為霍王友元軌謂人曰郎  
氏爾賢人之望也

王績字無功絳州人嘗躬耕於東臯故時人號東臯  
子

白履忠陳留浚儀人博涉文史隱居于古大梁城時  
人號梁丘子

孔紹安少與兄紹薪俱以文詞知名外兄虞世南歎  
異之時有詞人孫萬壽與紹安篤二十年之好時人稱

為孫孔紹安官至秘書監

鄭世異鄭州滎陽人弱冠有盛名後為揚州錄事參  
軍

謝偃善為賦李百藥工為五言詩時人稱為李詩謝

賦仕至湘潭令

許叔牙為太子洗馬兼崇賢館學士又有臨淮劉子

翼彭城劉裔之與叔牙相次為學士並以文學知名

楊照華州華陰人少與絳州王勃范陽盧照隣東陽

駱賓王皆以文詞知名海內稱為王楊盧駱亦號為

四傑照至盈川令勃至虢州參軍照隣至新都尉賓

王至臨海丞

張昌齡冀州人弱冠以文詞知名仕至襄州司戶北

門脩撰

趙元楷性機辯明於簿領隋末任上郡東曹掾以幹

理見稱煬帝聞其名遷署歷陽郡丞

孟利貞與薰思恭元思敬同時並以文藻知名利貞

仕至著作郎弘文館學士思恭至太史思敬至協律

郎

劉禘之少與孟利貞高知周郭正一俱以文藻知名

時人目為劉孟高郭禘之官至中書侍郎同中書門

下三品知周至右散騎嘗侍正一至陝州刺史

林輔元汴州浚儀人與伯父德仁同郡剡縣丞繁師

玄齊王文學王孝逸羅川戶曹靖居亮司隸從事鄭

祖咸軍城縣長鄭師善王克中書舍人李行簡處士

協咸見重於隋代號為陳留八俊

邢文偉滁州人與和州高子貢俱以博學知名於江

淮間仕至內侍史出為珍州刺史

蓋文達博涉經史其宗人文懿亦以儒業知名當時

稱為二蓋焉文達位至蜀王師文懿至國子博士

杜易簡博學有高名姨兄岑文本甚推重之仕至開

州司馬

周思茂貝州漳南人少與弟思均俱早知名仕至麟

臺少監文館學士

喬和之同州馮翊人少與弟侃備並以文詞知名和

之尤稱俊才官至左司郎中侃至襄陽令

富嘉謨雍州武功人與新安吳少微屬文皆以經典

為本時人欽慕之稱為吳富體初嘉謨為晉陽尉與

少微同官魏郡谷倚為太原主簿皆以文詞著名時

人謂之北京三傑嘉謨少微並官至監察御史倚後

流寓客死

韓滉宰相休之子幼有美名所與結交皆時之俊

非公忠正直者不與之親密位至右僕射

沈佺期善屬文尤長五言之作與宋之間齊名時人

稱為沈宋佺期官至太子詹事

宋之間父令文有勇力而工書善屬文世人以為三

絕之間以文詞知名弟之梯有勇力之遜善書議者

云各得父之一絕之間後至越州長史之遜至太原

尹

徐彥伯兖州瑕丘人少以文章擅名為蒲州司兵參

軍時司戶常高善判事司士李亘工於翰札而彥伯



以文詞雅美時人謂之河中三絕  
陸象先初為雒陽尉以宰相子問望甚高  
蘇晉與雒陽人張循之仲之兄弟為友並以學業著  
名

劉允濟善屬文絳州王勃早齊名特相友善官至鳳閣舍人左遷青州長史

蘇味道少與李嶠俱以文學知名時人謂之蘇李味道位至鳳閣侍郎同鳳閣鸞臺三品嶠至中書令

蘇瓌中宗朝歷左右僕射同中書門下三品子七人頴水詵又頴銳顏頴最知名官至中書侍郎平章事

詵戶部員外瓌與李嶠同居相位嶠有才華其子不

肖瓌以幹理而頴有文詞故代稱蘇瓌有子李嶠無兒

薛登博涉文史少與徐堅劉子玄齊名友善登官至太子賓客堅至右散騎嘗侍子玄至左散騎嘗侍

安州別駕

趙麟與殷寅顏真卿柳芳陸據蕭穎士李華邵軫同志友善故天寶中語曰殷顏柳陸蕭李邵趙以其重行義敦交道也麟至秘書少監

蔣沅性耿介獨好學早有名稱官至左散騎嘗侍

蕭嵩長子華兵部侍郎少子衡尚新昌公主拜駙馬  
都尉並風流簡肅士族稱之

肅陽中書令安石之子開元初丁父憂居喪過禮自  
此杜門不出八年于茲與弟斌相勸勵探討墳索不  
捨晝夜文華當代俱有盛名官至吏部尚書東都留  
守

李邕爲滑州刺史上計京師邕素負美名頗被貶斥  
皆以邕能文養士賈生信陵之流執事忌勝剝落在  
外人間有此聲後生不識京雒阡陌聚觀以爲古人  
或將矚日有異衣冠望風尋訪問卷又中使臨問索

其新文復爲人陰中竟不進

賀知章會稽人少以文詞知名神龍中知章與越州  
賀朝萬齊融楊州張若虛邢巨湖州包融俱以吳越  
之士文詞俊秀揚名於上京位至銀青光祿大夫正  
授兼祕書監

蕭穎士字茂挺與李華同年登進士第開元中承平  
人物駢集如賈曾席豫張垵常述輩皆有盛名而穎  
士皆與之游繇是搢紳多譽之是時外夷亦知穎士  
之名新羅使入朝言國人願得蕭夫子爲人師其名  
動華夷若此

王維以詩名盛於開元天寶間凡諸王駙馬豪右貴勢之家無不拂席迎之代宗時弟縉爲宰相嘗謂縉曰卿之伯氏天寶中詩名冠代位至尚書右丞李白少與魯中諸生孔巢父韓準裴政張叔明陶沔等隱於徂來山時號竹溪六逸自後待詔翰林薛稷王璘從事

杜甫字子美天寶末詩人甫與李白齊名後至簡較工部員外郎  
路群志行貞潔不苟葷食肉養親以孝聞自長慶以來高名重價歷踐清華及卒時論嗟惜

楊綰素以德行者稱清識過人凡所知友皆一時名士位至中書侍郎平章事

李栖筠字貞一趙郡贊皇人幼孤貧而器度雄遠體貌瓌傑博覽墳籍無所不通屬文勁迅然本於理道教化性嚴重寡言造次不妄交接故當時高名之士皆敬慕之爲御史大夫以剛正爲元載所惡天下之士重其高義雖三尺童子皆知敬慕稱爲贊皇公而不名焉

張涉以經學爲儒官嘗舉日試萬言當時呼爲張萬言官至散騎常侍

李承少有雅望至其從官頗以貞廉才術見稱於時累官襄州潭州刺史

崔造與韓會盧東美張正則為友皆僑居上元好談論經濟之略嘗以王佐自許時人號為四蔓造後至給事中平章事

常夏卿早有時稱其所與游皆一時名士位至東都留守選太子少保

趙昌字洪祚祖不器父居貞皆有名於時昌官至太子少保

鄒士美善與人交然諾之際豁如也當時名稱甚茂

位至忠武軍節度使

呂元膺學識深遠處事得體正色立朝有台輔之望

位至太子賓客

薛戎為浙東觀察使兄弟五人季弟放最知名放至

江西觀察使

韓皋字仲文夙負令名而器質重厚有大臣之度後

為杭州刺史再為尚書右丞遷武昌鎮海忠武三節

度所至皆有聲績大率用簡儉為理及位高益為時

人所重

錢起與韓翃李端盧綸司空曙輩十人俱以能詩出

入貴游之門時號十才子形於畫位終尚書郎  
錢徽起之子也以文學操行立名於時官至吏部尚  
書郎致仕

孔敏行字至之文宣王四代孫父述睿有高名於  
貞元間敏行名臣子少時脩潔爲人所稱慕及游宦  
與當時豪俊爲友其名華爲一時歸湊

崔郾與兄邠等皆有令譽而郾踈財恢廓弟兄所不  
及郾位至浙西觀察使邠至太嘗鄉

元稹字微之聰警絕人年少才名與太原白居易友  
善工爲詩善狀詠風態物色當時言詩者稱元白焉

稹至工部侍郎平章事卒於武昌軍節度使居易至  
刑部尚書致仕

李商隱字義山與太原溫庭筠南郡段成式齊名時  
號三才子商隱後至東川節度判官檢較工部郎中  
庭筠至隋縣尉成式至江州刺史

王凝咸通中知禮闈時凝擅價一時與路岳相齊語  
曰王凝路岳見便脫殼位至宣州觀察使  
後唐宰相趙光裔唐天祐中歷官省閣伯仲皆以廉  
潔方正流聞于時自梁孽未亡時趙氏伯仲之名北  
人皆所傾慕位至平章事

賈馥性恬澹與物無競為鎮州士人之秀位至鴻臚卿致仕

光逢幼嗜墳典動守規檢議者日之為玉界尺昭

朝登進士第踰月辟度支巡官臺省內外俱制俱

能名後為太保致仕

晉鄭韜光唐宣宗之外孫萬壽公主之所出也生三

日賜一子出身銀章朱綬及長美容止神爽氣徹不

妄喜怒而秉執名節為甲族所稱後為戶部尚書致

仕

冊府元龜

